

2012ko hirugarren hiruhilekoan 2.571 ezkontza egin ziren Euskal AEn, urtebete lehenago baino %9,1 gutxiago

Ezkontza zibilen proportzioa handiagoa izan zen aurreko urteko aldi berean baino, berriz ere

Euskal AEko ezkontzak: Eustaten datuen arabera, 2012ko uztail, abuztu eta irailean 2.571 ezkontza izan ziren Euskal AEn; aurreko urteko hiruhileko beraren aldean %9,1 gutxiago. Arabarrek 376 ezkontza egin zituzten, gipuzkoarrek 825 eta bizkaitarrek 1.302. Euskal AEtik kanpo biziko direnen kasuan, ezkontzak 68 izan ziren.

2012ko hirugarren hiruhilekoan ezkontzen %61,5 zibilak izan ziren, 2011ko aldi berean baino ehuneko 3,7 puntu gehiago. Era berean, proportzio hori 2012ko bigarren hiruhilekokoa baino txikiagoa da, aldi hartako ezkontzen %69,1 zibilak izan baitziren.

Senarren %83,3k eta emazteen %69,5ek 30 urte baino gehiago zituzten

Ezkontideek eztei-egunean zuten adinari erreparatuta, senarren artean, %83,3k 30 urtetik gora zituzten; emazteen artean, berriz, %69,5ek. Aurreko urteko aldi beraren aldean, proportzioa bi sexuetan handitu da: 2011an emakumeen %67,4k zeuzkaten 30 urte baino gehiago, gizonen artean %80,9 zelarik.

2012ko hirugarren hiruhileko 2.571 ezkontzetan, bizilekua Euskal AEn duten 2.480 gizonezko eta 2.520 emakumezko ezkondu ziren. Horietatik 2.262 senarrentzat (%91,2), lehen ezkontza izan zen; 18 alargun eta 200 dibortziatu berriro ezkondu ziren. Lehen ezkontza zuten emakumeen ehunekoa gizonezkoena baino zertxobait altuagoa izan zen: aurretik ezkondu gabeko emakumeak 2.293 (%91) izan ziren; alargunak, 9; eta dibortziatuak, 218.


Emakume ezkonberrien %7,2 atzerritarrak ziren

2012ko udan zehar izandako ezkontzetan, gizonen %4,5 eta emakumeen %7,2 ez ziren espainiarrak.

Ezkontzarik gehien (1.118), uztaillean; ondoren (1.110), irailean. Bestalde, aurrekoetan bezala, ezkontzarik gutxien (343) izandako udako hila abuztua izan zen, aurreko urteko hil beraren aldean %8,8 gutxiago.

	2012ko 3. hiruhilekoa		Aurreko hiruhilekoa (2012ko 2. hiruhilekoa)		Aurreko urteko hiruh. bera (2011eko 3. hiruhilekoa)	
	kop.	%	kop.	%	kop.	%
EZKONTZAK	2.571	100,0	2.409	100,0	2.828	100,0
Kanonikoak	991	38,5	744	30,9	1.195	42,3
Zibilak	1.580	61,5	1.665	69,1	1.633	57,7
SENARGAIK	2.480	100,0	2.325	100,0	2.728	100,0
Ezkongabeak	2.262	91,2	2.086	89,7	2.506	91,9
Alargunak	18	0,7	20	0,9	10	0,4
Dibortziatuak	200	8,1	219	9,4	212	7,8
EMAZTEGAIK	2.520	100,0	2.358	100,0	2.776	100,0
Ezkongabeak	2.293	91,0	2.135	90,5	2.539	91,5
Alargunak	9	0,4	13	0,6	5	0,2
Dibortziatuak	218	8,7	210	8,9	232	8,4

Iturria: EUSTAT. Euskal AEko Ezkontzen Estatistika



Iturria: Eustat. Euskal AEko ezkontzen estatistika

Argibide gehiago:

Euskal Estatistika Erakundea / Instituto Vasco de Estadística

Donostia-San Sebastián, 1. 01010 Vitoria-Gasteiz

Tel.: +34-945-01 75 00 Faxe: +34-945-01 75 01 Helbide elektronikoa: eustat@eustat.es

Harremanetarako pertsona: Martín González Hernández

Tel.: +34-945-01 75 49 Faxe: +34-945-01 75 01

Euskal AEko EZKONTZEN ESTATISTIKARI buruzko prentsa-ohar gehiago

Euskal AEko EZKONTZEN ESTATISTIKARI buruzko datu-bankua